

餘雜物准本物過三四倍也何況供給裝束費不可輒勝計辨濟如此非法之物之間沽却先祖之永財滅子孫之存命賣代夫妻之衣裳失愛子之寒濕凡依一身之貪利遂絕百姓之世途于時天朝人民顰眉泣歎部內浪人歆踵悲愁既見此由不足國宰者也望請被裁斷以早被免許非法之強責矣

一請被裁斷代々國宰分附新古絹布并米穎等自都司百姓竈責取事

右新古等寔雖錄載稅帳面有名無實也仍代々國宰更無求徵其由何者或負名死去及四五十年或負名逃散已數千餘人也而當任守元命朝臣以去年三月中旬撰幹了之使差暴惡之人令勘責如切如燒往古舊代所不然也而自郡司之身號部內負累皆悉搜取從人民之竈稱所由差法暗以冤凌亂入一三家之間致騷動廿廿所濟進一兩種之日取費於二三倍國主凋弊職而緣是爰郡司百姓雖經愁不安由於國底彌施梟惡之政曾無裁報之心責使還成得水之龍弱民倍類覆栖之鳥望官裁且被召糺且扶亡民矣

一請被裁定守元命朝臣三箇年間每月號借絹誣取諸郡絹千二百十二匹并使之副取土毛事

右絹等八箇郡之內三々年之間或號借絹或稱見交易所責取也但件絹或月一二度或月二三度每月計其數如上件其直准穎疋別四十束以下三十束以上僅有判定之返抄三分一也然而其直于今未下行抑件絹更以難堪因之買求於隣國之間直米上品者六石以下中下品五石以上乍知其弊而所減納也進納之日不放返抄立用之時還致覆勘加以責使多連且勸納人不隔月面々色々所取土毛過絹直故何者徵一疋之處重取二匹何況供給裝束之費乎各爲蒙褒賞之譽好非法之費凡破郡破國之謀劫民劫物之機尤有斯望請蒙裁許早被召替猶被任良吏矣略○中

一請被停止號有藏人所召例貢進外加徵漆十餘石事

右漆丹羽郡土產也卽例貢進藏人所召三四斗也然而所徵已巨多也所弁進以一升納四五合以一斗減四五升弁之填之間非無欠失就中以去年三月十三日號有未進放幹了使令呵責不令旋踵仍